



Vanuatu Women's Centre

Ofisol Niusleta blong Vanuatu Women's Centre

NIUS EDITION

Halo, greetings long yu we isave karem wan kopi blong niusleta mo ridim wanem wok we VWC istap mekem raon long kantri. Long 2023, VWC ibin ajivim fulap wok we oli bin mekem kasem end blong yia.

Ol fulap impact long VWC wok long Aweanes toktok, woksop, trening mo sevis blong hem long pipol iko long ol aelen mo raon long kantri, ihelpem ol woman mo ol pikinini we oli fesem domestik vaelens; oli save aksesem ol sevis blong helpem olgeta.

VWC ikivim ol sevis mo mekem thru aot long Vanuatu blong daonem ol defdefren fasin blong Domestik Vaelens we istap gohet long komuniti blong yumi. Long 16 Days of Activism long 2023, VWC hemi joenem Vanuatu Polis Fos wetem ol nara agencies blong tokbaot Vaelens Agensem ol woman mo ol gel.

Long taem ia ikat ol aweaness toktok mo komuniti oli bin pat long aktivitis we itekem ples. VWC hemi fesem fulap jalenjes be hemi kontinu blong tekem sevis iko long ol aelens mo komuniti blong yumi.

VWC iwantem talem bigfala tok tankio long ol wokman, ol man lida (Male Advoket), Jioj lida, ol Jif we oli stap wok wetem ol branj, ol KAVAW (rurol volentia) mo patna blong VWC we oli kivim bigfala sapot long wok we oli stap mekem long komuniti thru long yia 2023.

Vanuatu Women's Centre hemi wok wetem plante agencies blong mekem sua se ol woman mo ol gel oli gat akses lo sef mo gudfala sevis blong preventem mo stopem Vaelens long ol woman mo ol pikinini.

Vanuatu Women's Centre hemi luksave longtaem sapot we gavman blong Ostreilia i kivim; blong stopem Vaelens Agensem ol Woman mo ol pikinini, ikivim we Gavman blong Ostreilia mo Gavman blong Niu Zilan i sapotem, mo tu sapot we Oxfam i kivim.



PECC Komuniti Aweanes tok long central Pentecost wetem Polis long saed blong Kraem Prevensen eli februare 2024.

Tok tankio istap ko long Gavman blong Ostreilia mo Gavman blong Niu Zilan long sapot blong VWC isave mekem ol wok blong daonem ol rabis fasin we istap gohed long ol woman mo ol pikinini.

Yumi mas kontinu blong tokaoit mo tekem aksen blong stopem vaelens we istap gohet long ol woman mo ol pikinini. Yumi yet isave mekemjenj insaed long famili hom mo komuniti blong yumi. Yu we yu fesem domestik vaelens lo hom, yu save kam aksesem infomesen, domestik vaelens long hom blong olgeta. VWC istap wishim yu wan gudfala taem mo stap sef oltaem, God bless.

INFOSEN ABAOT WOK BLONG VANUATU WOMEN'S CENTRE

Vanuatu Women's Centre hemi bin bon long Septemba 2, 1992 mo ibin celebratem 30 yia ajivmen blong hem lo 2022. Hem wan okanaesesen (NGO) we iwok blong stopem vaelens we igohet long ol gel mo woman.

VWC istap kodinetem wan nasonel prokram blong prevensem mo rispons sevis long hedkuata long Vila. Insaed ikat:

- 5 Branj - Sanma Kaonseling Senta (SCC), Tafea Kaonseling Senta(TCC), Malampa Kaonseling Senta(MCC), Penama Kaonseling Senta(PECC) mo Torba Kaonseling Senta(TOCC).
- Ikat wan rural folentia Netwok blong 40 Komiti Agensem Vaelens Agensem ol Woman (KAVAW), we oli stap mekem aweaness mo ol activiti blong helpem ol woman mo ol pikinini.
- wan nasonel netwok blong ol Male Advocate (ol impoten man insaed long komuniti) we oli wok blong tokbaot raets blong ol man/woman mo wok blong stopem vaelens long ol woman mo ol pikinini.

VWC MO BRANJ WOK BLONG 2023



TCC Mobile Counselling long Launamelo Komuniti,
mo grup foto blong KAVAW trening long Apera Restort lo Novemba 2023.



SCC Trening mo Workshop wetem ol CAVAW lo Canal Fanafo, Tanmet
village long Santo lo Oktoba 2023.



MCC Awareness lo Rembe village mo Town Hall / Tisman
long Mei 2023



Trening wetem ol chief lidas blong Varsu Eria long Epi long Jun 2023.



Mobile Counselling long East Pentecost long Fanrasini
community, Salaba mo Lalwuk, Novemba kasem Disemba 2023.



Tafea CAVAW trening Abera Beach Novemba 2023

MCC: CAVAW TRAINING LONG TAUTU VILIJ



Long namba 29 Januare kasem 2 Februare 2024, Malampa CAVAW trening ibin tekem ples long Tautu Vilij long Malekula. Malampa Province igat wan total blong 9 KAVAW committee, long trening ia igt 20 KAVAW memba we oli present mo 6 Male advocate.



Trening istap blong 5 deis, long dei wan mifala harem ol progress blong work long Julae 2022 Kasem Jun 2023 mo tokbaot tu ol challenges mo way forward.

- Dei tu- Go tru long Manejmen blong KAVAW mo hao blong fulumap ripot form since sam cavaw member oli new.
- Igat wan folloap meeting tu wetem ol male advocate.
- Dei tri- Refreher trening long ol issues-Jenda, VAW mo DV
- Dei four- Beisik kaonselling skills
- Dei five- Child maintaintce mo presentem wok plan blong Jun 2023 kasem Julae 2024.

SCC: MOBILE COUNSELLING LO SOLWAY



- Sanma Counselling Centre ibin mekem Aweanes toktok long komuniti blong Solway. Semtaem oli mekem mobile counseling wetem ol mama mo kivim infomesen long eni man we iwantem save infomesen long sevis blong VWC. Oli bin stap long 3 dei long komuniti blong Solway.




Evri yia VWC hemi stap celebrate 8 Maj we hemi Intanasonal dei blong ol woman raon long wol, hemi dei we yumi tingbaot yumi ol woman, ol gel mo ol pikinini long Vanuatu mo evri woman raon long wol. Pipol raon long wol istap mekem ol aktiviti mo selebresem blong tingbaot ol woman long dei ia. Long yia ya, yumi tingbaot yumi ol woman se yumi wok tugeta blong stopem ol rabis fasin we istap ko Agensem ol woman, ol gel mo ol pikinini long Vanuatu. Moa storian bae kamaot long neksfala niusleta.



Sharline Sarai
Community Educator
Vanuatu Women's Centre.

Evri taem, wan woman istanap from ol nogud fasin we hemi stap fesem. Hem stanap from ol human raet blong hem.

"Women's Right are human rights".



YU HAREM NOGUD FROM OL RABIS FASIN WE ISTAP HAPEN LONG YU?



Vanuatu Women's Centre ikat ol **Kaonsela**, ko storean wetem olgeta o telefon mo toktok long **Fri Laen 161**



Ol helt senta, ikat ol **Nes** mo **Dokta**, hemi impoten blong toktok wetem ol kwiktaem, taem igat rabis fasin blong seks ikasem yu



Ol **polis** oli kivhan long yu, from sefti long laef blong yu mo pikinini. Yu no fraet, ripotem ol rabis fasin ya. Telefon long **22222** o **111 Fri Laen**



Vanuatu Women Centre ikat **Loea**, oli stap kivhan long yu. Toktok long ol long namba **25764**

(Ol toktok ia i kam long posta blong CARE wetem sapot blong Gavman blong Ostrelia)

TOCC: FAREWELL GRACE RALPH



Grace Ralph i retire olsem VWC branj Projekt Ofisa long Torba Counselling Centre (TOCC). Hemi bin statem wok blong hem olsem wan komiti memba blong vaelens agensem ol woman, wan Kaonsela mo oli bin promotem hem Branj Ofisa blong TOCC.

Hemi wok plante wetem defren eria blong ol komuniti long Torba provins. VWC mo TOCC i talem bikfala tankio we hemi save pat long journey long ol gudfala sevis mo wok we hemi bin mekem lo laef blong ol woman torba. Grace hemi bin wok 12 yia wetem VWC. Tankio Grace, bimbae papa God i blessem yu long fuija laef blong yu.

VWC wantem serem storian we Grace Ralph i raetemi we ikamaot long 30 Yia Anniversari buk long 2022.

Name blong mi Grace Ralph. Mi blong Rah island long Motalava, hemia long Torba Province. Mi bin wok long plante difdifren government mo private sectors bifo mi kam joenem team blong Vanuatu Women's Centre.

Long 2001, afta long wan DV workshop blong Vanuatu Women's Centre, mi bin kam olsem wan CAVAW member kasem 2010. Long 2011, establishment blong Torba Counselling Centre and mi wok olsem wan Counsellor kasem 2012 we mi kam olsem Project Officer kasem tete.

Mi fil se mi proud blong wok long Vanuatu Women's Centre from hemi mekem mi who I am today. Hemi growem up mi long way we i changem laef blong mi. Mi bin relaesem se mi bin wan victim mo survivor blong domestic violence mo tu mi bin relaesem se wanem we plante woman istap fesem long homes blong olgeta, hemi ol rabis fasin blong domestic violence we mifala i bin go tru long training and long mi, mi bin fesem ol rabis fasin long maret laef blong mi, and mi wandem se, wanem we i bin hapan long mi, mi no wandem i hapan long ol nara woman.

Vanuatu Women's Centre hemi prosperem mi long plante samting we mi mo ol pikinini blong mi i wandem kat long laef blong mifala. Hemi givim plante training mo knowledge long mi blong mi save helpem ol narafala woman mo pikinini long ol fasin nogud we oli stap fesem.



Grace Ralph hemi tekem foto blong VWC problem tree long vaelens agensem ol woman we ol staff oli stap wok lo hem tugeta long 2016 long taem blong VWC Program Design Workshop.

Mi no save expressem mi wan how much we mi laekem wok long Vanuatu Women's Centre mo tank yu tumas Vanuatu Women's Centre long evri samting we yu bin mekem long mi, mo mi bin kam blong relaesem se laef hemi defren. Mi, mi spesel long fulap wei mo mi kat ol raets blong mi we hemi bon wetem blong live long wan gudfala, hapi laef mo blong oli tritim mi ekwel, mot u blong oli kea mo lavem mi. VWC yu mekem fulap samting blong mi mo bae mi neva foketem yu.

Branj mo Senta blong ol Women

Telefon (678) 25764 | Fri Helplaen : 161

PO Box 1358, Port Vila, Vanuatu

Websaet: www.vanuatuwomenscentre.org

Fesbuk peig: Vanuatu Women's Centre

Torba Kaonseling Senta: Sola Vanualava Island Torba Provins

-7648145|5493357 | torbaccvwc@gmail.com

Sanma Kaonseling Senta : PO Box 335, Lagonville, Santo, Sanma Provins-

36157|7771128 |

Penama Kaonseling Senta: Lavatu, Pentecost, Penama Provins -

7313952|5986827 | vwc.pecc@gmail.com

Malampa Kaonseling Senta: Lakatoro, Malekula, Malampa Provins

-7799165|5683670 | wvc.malampa@gmail.com

Tafea Kaonseling Senta: PO Box 835 Lenakel, Tanna, Tafea Provins

88660|7101869 | vwc.tafea@gmail.com

DEI BLONG WOK

Mandei kasem Fraedei 7:30 -16:30

Sarere 9:00 - 12:00